

## Neujahr 2021

A neuis Johr 2021 hobmo heint begriobt,  
niomand was, wosz mit ins vorhot und beschliobt.  
Mir kenn la hoffn, dassz a bessas wearsch, drum seimo kemm,  
enk guita Wünsche, noch oltn Brauch, vorzibreng.

So wünschmo enk Gsundheit, s griaschte Guit des mo hobn,  
den Reichtum vostiohmo erst, wenna ins giaht volorn.  
Die Corona Krise hot ins gizag, in den vorucktn Johr,  
wie zobrechlich inso Denkn und Wirtschoftn wor.

Drum wünschmo in olla miahr Demut und Zufriednheit,  
die Gier noch Mocht und Geld muss sich ändon heint.  
No bessas, no schnella, no miahra, hot ins des Virus beleahrt,  
isch et do richtige Weg, mior mochn eppas vokeahrt.

Do Blick soll sich richtn in die Zukunft voraus,  
amol übon Zaun zi schaugn, zin Nochba sein Haus.  
Vielleicht kemmo selbo ausstreckn a helfnda Hond  
und a bissl Hoffnung schenkn, wenn Nuat isch im Lond.

2021 so wünschmo, solltas olla dolebn,  
a bissl zin normaln Olltog zruckzikeahrn.  
Vor Hektik und Stress tiomo ins a wion duckn,  
und vosuichn a wion nachna zommeziruckn.

Friedn und Liobe wünschmo enk im Lebn,  
wio a brinnita Kerze solltas Wärme weitagebn.  
Gottes Segn soll enk fiohrn und stets begleitn,  
durch friahliche, obo a stürmische Zeitn!

01.01.2021 – Rosa Rauter-Kofler